


Страстная Седмица



Типикон. М.2002. Глава 49. Триодион сиесть Трипеснец. (с.922).

Полунощница служится в церкви по Великую среду. Затем до Фоминой недели – не служится, кроме соборных и мирских храмов (хотя в келлиях и поем).

По среду **утреня** обычным порядком. На утрени – чтение Евангелия соответствующих зачал.

Особенность заключается в чтении Евангелий от Великого понедельника по Великую среду после утрени: полностью от Матфея, от Марка, от Луки, а у Ионна чем до зачал Страстям Христовым. Поэтому **3-й час в 9 утра, 6-й час около полудни, но 9-й час по обычаю в 15 часов.**

Вечерни с Литургией Преждеосвященных Даров по обычаю вечером после 9-го часа по среду. Вход с Евангелием и на Преждеосвященной Литургии – чтение соответствующих зачал Евангелий.

Великое повечерие по обычному своему времени.

В Великую среду часы следуют друг за другом; но после 6-го часа - чтение слова св. Иоанна Златоустаго *О любодейце и о масти*. И начинаем 9-й час. После него – расходимся по келлиям до вечерни. На вечерне последний раз стихословим кафизму, а **повечерие** уже только малое (с.932).

«В Великий понедельник, во вторник и в среду, поститися подобает» (с.927). То есть под *поститися* в древности подразумевалось: не вкушать ни пищи, ни пития.

В Великий четверток параклисиарх в «7 часов ночи клеplet» (с.932) и вся братия собирается в храм на **утреню**. 7 часов – по-нашему – 1 час ночи. Без кафизм. С чтением зачал из Евангелий. 1-й час по обычаю.

С этого дня опускаются зауспокойные литии до недели Фоминой.

« При часе же 3-ем...» (с.934) вновь братия собирается в церковь и поют **часы 3-й, 6-й и 9-й вкупе** в притворе.

Вечерню начинаем в 8 часов дня (по-нашему: в 14 часов); она продолжается **Божественной Литургией св. Василия Великаго**.

Затем – трапеза, разрешается вареная пища с елеем, «пием же и вино» (с.935), а также сухоядение.

Повечерие малое, а полунощница – в келлиях (с.936).

Вечером в 20 часов по-современному (но в 2 часа ночи по Уставу Иерусалимскому, т.е. ночь по-древнему начиналась в 18 часов) собираемся в храм **на утреню** и читаем 12 Евангелий (с.936). После отпуста 1-й час не присовокупляем.

В 2 часа дня в **Великий пяток** (по-нашему: 8 часов утра) начинаем петь 1-й, 3-й, 6-й и 9-й часы *вкуне* (с.939).

«В сий день распятия» от апостольских преданий нет трапезы; только немощным разрешается хлеб и вода (с.944). В Великий пяток не положено служить никаких Литургий.

Вечерня Великого пятка (с.944) начинается в 10 часов дня (по-нашему: 16 часов).

После по обычаю: **малое повечерие**, -«на немже канон о распятии Господни и на плач Пресвятыя Богородицы» (с.945).

Во Святую и Великую субботу на утреню (с.946) собираемся в 7-й час ночи (по-нашему в 1 час ночи). Егда «начинаем пети непорочны со сладкопением» (с.947). По окончании утрени – 1-й час.

«При часе же 4-ом дне», т.е. в 10 утра (с.949) вновь приходим в церковь и поем 3-й, 6-й и 9-й часы *вкуне* просто, в притворе. Тогда же поем и **изобразительная**.

В 10 часов дня, или по-нашему в 16 часов (с.950) собираемся в храм **на вечерню**, которая заканчивается по чину **Божественной Литургии св.Василия Великаго**. «Потом бывает обычное благословение хлебов, и вина» (с.951). Службу сию должно успеть совершить до 3 часа ночи (т.е. до 21 часа). Вкусить разрешается: немного хлеба, овощи и немного вина (с.953). По вкушении коих – начинаем читать Деяния апостолов. Если же служба заканчивается ранее 2-го часа ночи (т.е. до 20 часа), то братия уходит из храма в трапезную: подается по единому укруху хлеба, по 6 смокв или маслин и по единой мерной чаши вина (с.952). При этом в трапезной – чтение Деяний апостолов.

Читаем до 4-го часа ночи (22 часов) и начинаем канон Великия субботы *Волною морскою...* (с.953).

Пасхальная служба начинается «об часе утреннем», т.е. как обычно начинается утренняя – по-нашему в 1 час ночи (с.955).

А Божественная Литургия св. Иоанна Златоустаго «бывает порану» (с.963). То есть до восхода солнца.

.....

Чтение Псалтыри на *Страстной седмице*:

В субботу Лазареву на вечерне – кафизма 1-ая.

В неделю Цветную на утрени: 2 и 3 кафизмы.

В понедельник:

Утренняя: 4, 5 и 6 кафизмы.

На первом и девятом часе кафизм нет во все дни Страстной.

На 3-ем и 6-ом: 7 и 8 кафизмы.

На вечерне во всю Страстную: кафизма 18.

Во вторник:

Утренняя: 9, 10 и 11 кафизмы.

На часех: 12 и 13 кафизмы.

В среду:

Утренняя: 14, 15 и 16 кафизмы.

На часех: 19 и 20 кафизмы.

На вечерни: 18 кафизма.

И тако: отлагается чтение Псалтыри до субботы Фоминой недели.

Чтение Евангелий на Страстной седмице.

С Великого понедельника по Великую среду читаются зачала Евангелий на Утрени и на Вечерне (Литургии Преждеосвященных даров).

Великий Понедельник:

Утр. – Мф. 21: 18-43 (зач.84).

Веч. – Мф. 24: 3-35 (зач.98).

Великий Вторник:

Утр. – Мф. 22:15 – 23:39 (зач.90).

Веч. – Мф. 24:36 – 26:2 (зач.102).

Великая Середа:

Утр. - Ин. 12: 17-50 (зач.41 от полу).

Веч. - Мф. 26: 6-16 (зач. 108).

Великий Четверг:

Утр. – Лк.22:1–39 (зач. 108 от полу´).

Лит. – 1Кор.11:23–32 (зач. 149). Ев. составное: Мф.26:1–20 (зач. 107). Ин.13:3–17 (зач. 44). Мф.26:21–39 (зач. 108 от полу´). Лк.22:43–45 (зач. 109). Мф.26:40 – 27:2 (зач. 108). На умовении ног: Ин.13:1–11 (зач. 44). По умовении ног: Ин.13:12–17 (зач. 45).

Великий Пяток:

Утр. – Евангелия Последования Святых Страстей Господа нашего Иисуса Христа: 1-е. Ин. 13:31 – 18:1 (зач. 46). 2-е. Ин. 18:1–28 (зач. 58). 3-е. Мф. 26:57–75 (зач. 109). 4-е. Ин. 18:28 – 19:16 (зач. 59). 5-е. Мф. 27:3–32 (зач. 111). 6-е. Мк. 15:16–32 (зач. 67). 7-е. Мф. 27:33–54 (зач. 113). 8-е. Лк. 23:32–49 (зач. 111). 9-е. Ин. 19:25–37 (зач. 61). 10-е. Мк. 15:43–47 (зач. 69). 11-е. Ин. 19:38–42 (зач. 62). 12-е. Мф. 27:62–66 (зач. 114).

На 1-м часе: Гал. 6:14–18 (зач. 215 от полу´). Мф. 27:1–56 (зач. 110).

На 3-м часе: Рим. 5:6–11 (зач. 88 от полу´). Мк. 15:16–41 (зач. 67).

На 6-м часе: Евр. 2:11–18(зач. 306). Лк. 23:32–49 (зач. 111).

На 9-м часе: Евр. 10:19–31 (зач. 324). Ин. 18:28 – 19:37 (зач. 59).

На веч.: 1 Кор. 1:18 – 2:2 (зач. 125). Ев. составное*: Мф. 27:1–44 (зач. 110), Лк. 23:39–43, Мф. 27:45–54, Ин. 19:31–37, Мф. 27:55–61. * О чтении Евангелия на вечерне Великого Пятка см. в приложении к «Богослужбным указаниям на 1999 год» (с. 597–598). В соответствии с

традицией, зафиксированной в Богослужебном Евангелии, состав чтения: [Мф. 27:1–38](#) (зач. 110), [Лк. 23:39–43](#), [Мф. 27:39–54](#), [Ин. 19:31–37](#), [Мф. 27:55–61](#).

Великая Суббота:

Утр. – **Ап.** составной: [1Кор.5:6-8](#) (зач. 133), [Гал. 3:13–14](#) (зач. 206). [Мф. 27:62–66](#) (зач. 114).

Лит. – [Рим. 6:3–11](#) (зач. 91). [Мф. 28:1–20](#) (зач. 115).

Во всех храмах Русской Православной Церкви по окончании Божественной литургии Великой Субботы следует возносить особую молитву [«О мире на Святой Земле»](#).

С **Великого Понедельника по Великую Среду** мы также читаем **все четыре Евангелия** (а кто читал три первых Евангелия – то читаем Евангелие от Иоанна). От начала до Страстных зачал (см. Евангелия Последования Святых Страстей Господа нашего Иисуса Христа выше).

Паремии Великой Субботы (на вечерне):

Диакон: Премудрость.

Чтец: Бытия чтение ([Быт.1:1–13](#)).

Диакон: Воннем.

Чтец: В начале сотвори Бог небо и землю. Земля же была невидима и неустроена, и тьма верху бездны: и Дух Божий носашеся верху воды. И рече Бог: да будет свет, и бысть свет. И виде Бог свет, яко добро: и разлучи Бог между светом, и между тьмою. И нарече Бог свет день, а тьму нарече ночь. И бысть вечер, и бысть утро, день един. И рече Бог: да будет твердь посреде воды, и да будет различающи посреде воды и воды: и бысть тако. И сотвори Бог твердь: и разлучи Бог между водою, яже бе под твердию, и между водою, яже бе над твердию. И нарече Бог твердь небо, и виде Бог, яко добро: и бысть вечер, и бысть утро, день второй. И рече Бог: да соберется вода, яже под небесем, в собрание едино, и да явятся суша: и бысть тако. И собраться вода, яже под небесем, в собрания своя, и явися суша. И нарече Бог сушу, землю, и собрания вод нарече моря, и виде Бог, яко добро. И рече Бог: да прорасти земля былие травное, сеющее семя по роду и по подобию, и древо плодовитое творящее плод, емуже семя его в нем по роду на земля: и бысть тако. И изнес земля былие травное, сеющее семя по роду и по подобию, и древо плодовитое творящее плод, емуже семя его в нем по роду на земля: и виде Бог, яко добро. И бысть вечер, и бысть утро, день третий.

Диакон: Премудрость.

Чтец: Пророчества Исаиина чтение ([Ис.60:1-16](#)).

Диакон: Вонмем.

Чтец: Светися, светися, Иерусалиме, прииде бо твой свет, и слава Господня на тебе возсия. Се тьма покрывает землю и мрак на языки, на тебе же явится Господь, и слава Его на тебе узрится. И пойдут царие светом твоим и языцы светлостию твоєю. Возведи окрест очи твои, и виждь собраная чада твоя: се приидоша вси сынове твои издалеча, и дщери твои на рамах возмутся. Тогда узриши, и возрадуешься, и убоишися, и ужаснешися сердцем, яко приложится к тебе богатство морское, и языков, и людей. И приидут к тебе стада вельблюд, и покрывают тя вельблуди Мадиямстии и Гефарстии: вси от Савы приидут, носяще злато, и Ливан принесут, и камень честен, и спасение Господне благовозвестят. И вся овцы Кидарския соберутся тебе, и овнии Навеофстии приидут к тебе, и вознесутся приятная на жертвенник Мой, и дом молитвы Моея прославится. Кии суть, иже яко облацы летят, и яко голуби со птенцы ко Мне? Мене острова ждаша, и корабли Фарсийстии в первых, привести чада твоя издалеча, и сребро и злато их с ними, имене ради Господня святаго, и за еже Святому Израилеву славно быти. И созиждут сынове инороднии стены твоя, и царие их предстояти будут тебе: за гнев бо Мой поразих тя, и за милость Мою возлюбих тя. И отверзутся врата твоя присно, день и ночь не затворятся, ввести к тебе силу язык, и царии их ведомыя. Языцы бо и царие, иже не поработают ти, погибнут, и языцы запустением запустеют. И слава Ливанова к тебе приидет, кипарисом, и певгом, и кедром, вкупе прославити место святое Мое, и место ног Моих прослаблю. И пойдут к тебе боящиеся сынове смиривших тя, и раздраживших тя, и поклонятся следам ног твоих вси прогневавшии тя: и наречешися град Господень, Сион Святаго Израилева. За сие, яко был еси оставлен и возненавиден, и не бе помогающаго ти: положу тя в радость вечную, веселие родом родов. И иссеши млеко языков, и богатство царей снеси, и уразумевши, яко Аз Господь спасаюй тя, и избавляюй тя Бог Израилев.

Диакон: Премудрость.

Чтец: Исхода чтение ([Исх.12:1-11](#)).

Диакон: Вонмем.

Чтец: Рече Господь к Моисею и Аарону в земли Египетстей, глаголя: месяц сей вам начало месяцев, первый будет вам в месяцах лета. Рцы ко всему сонму сынов Израилевых, глаголя: в десятый месяца сего да возмет кийждо овча по домоу отечеств, кийждо овча по дому. Аще же мало их есть в дому, яко недовольным быти на овча, да возмет с собою соседа ближняго своего по числу душ, кийждо довольное себе сочтет на

овча. Овча совершенно, мужеск пол, непорочно и единократно будет вам, от агнец и от козлищ примете. И будет вам соблюдено даже до четвертагонадесять дне месяца сего: и заколют то все множество собора сынов Израилевых к вечеру. И примут от крове, и помажут на обою подвою, и на прагах в домех, в нихже снут тое. И снут мяса в ноши той печена огнем, и опресноки с горьким зелием снут. Не снете от них сурово, ниже варено в воде, но печеное огнем, главу с ногами и со утробю. Не оставите от него до утрия, и кости не сокрушите от него: останки же от него до утра огнем сожжете. Сие же снете е: чресла ваша препоясана, и сапози ваши на ногах ваших, и жезлы ваши в руках ваших: и снете е со тщанием: Пасха есть Господня.

Диакон: Премудрость.

Чтец: Пророчества Иоанина чтение ([Ион.1:1-16;2:1-3](#)).

Диакон: Вонмем.

Чтец: Бысть слово Господне ко Иоане, сыну Амафиину, глаголя: Востани и иди в Ниневию град великий, и проповеждь в нем, яко взыде вопль злобы его ко Мне. И воста Иоан, еже бежати в Фарсис от лица Господня: и снде во Иоппию, и обрете корабль идущ в Фарсис: и даде наем свой, и вниде вонь плыти с ними в Фарсис от лица Господня. И Господь воздвиже ветр велий на мори, и бысть буря великая в мори, и корабль бедствоваше еже сокрушится. И убояшася корабельницы, и возопиша кийждо к богу своему, и изметание сотвориша сосудов, иже в корабли, в море, еже облегчится от них; Иоан же снде во дно корабля, и спаше ту и храпляше. И прииде к нему кормчий и рече ему: что ты храплеши? Востани и моли Бога твоего, яко да спасет ны **Бог**, да не погибнем. И рече кийждо ко искреннему своему: приидите вержем жребия, и уразумеем, кого ради есть зло сие на нас; и метнуша жребия, и паде жребий на Иоану. И реща к нему: возвести нам, кого ради сие зло на нас, и что твое делание есть, и откуда грядеши, и камо идеши, и от коея страны, и от ких людей еси ты? И рече к ним: раб Господень есмь аз, и Господа Бога Небеснаго аз чту, Иже сотвори море и сушу. И убояшася мужие страхом великим и реща к нему: что сие сотворил еси? Зане разумеша мужие, яко от лица Господня бежаше, яко возвести им. И реща к нему: что тебе сотворим, и утолится море от нас? зане море восхождаше, и воздвизаше паче волнение. И рече к ним Иоан: возьмите мя, и вверзите в море, и утолится море от вас: понеже познах аз, яко мене ради волнение сие великое на вы есть. И нуждахуся мужие возвратитися к земли и не можаху, яко море восхождаше и воздвизашеся паче на них. И возопиша к Господеви, и реща: никакоже, Господи, да не погибнем души ради человека сего, и не даждь на нас крове праведный: зане Ты, Господи, якоже восхотел, сотворил еси. И взята Иоану и ввергоша его в море, и преста море от волнения своего. И

убояшася мужие страхом великим Господа, и пожроша жертву Господеви, и помолишася молитвами. И повеле Господь киту великому пожрети Иону: и бе Иона во чреве китове три дни и три нощи. И помолися Иона ко Господу Богу своему от чрева китова, и рече¹:

Возопих в скорби моей ко Господу Богу моему, и услыша мя: из чрева адова вопль мой, услышал еси глас мой.

Отверг мя еси в глубины сердца морскаго, и реки обыдоша мя: вся высоты Твоя, и волны Твоя на мне преидоша. И аз рех: отринухся от очию Твоею, еда приложу призрети ми к храму святому Твоему? Возлияся на мя вода до души моей, бездна обыде мя последняя, понре глава моя в раселины гор. Снидох в землю, еяже верей ея заклеи вечнии. И да взыдет из истления живот мой к Тебе, Господи Боже мой. Внегда скончаватися от мене души моей, Господа помянух, и да приидет к Тебе молитва моя к храму святому Твоему. Хранящий суетная и ложная, милость свою оставиша. Аз же со гласом хваления и исповедания пожру Тебе, елика обещах, воздам Тебе во спасение мое, Господеви. И повеле Господь китови, и изверже Иону на сушу. И бысть слово Господне ко Ионе вторицею, глаголя: востани и иди в Ниневию град великий, и проповеждь в нем по проповеди преждней, юже аз глаголах тебе. И воста Иона и иде в Ниневию, якоже глагола Господь: Ниневиа же быше град велик Богу, яко шествия пути трех дней. И начат Иона входить во град, яко шествие пути дне единого, и проповеда и рече: еще три дни, и Ниневиа превратится. И вероваша мужие ниневийстии Богу, и заповедаша пост, и облекошася во вретища от велика их даже до мала их. И дойде слово к царю Ниневийскому, и воста с престола своего, и сверже ризы своя с себе, и облечеса во вретище, и седе на пепеле. И проповедася, и речено бысть в Ниневии от царя, и вельмож его, глаголющих: человецы, и скоти, и волове, и овцы, да не вкусят ничесоже, ни да пасутся, ниже воды да пият. И облекошася во вретища человецы, и скоти, и возопиша прилежно к Богу: и возвратися кийждо от пути своего лукаваго, и от неправды сущия в руках их, глаголюще: кто вест, аще раскается и умолен будет Бог, и обратится от гнева ярости Своей, и не погибнем; и виде Бог дела их, яко обратишася от путей своих лукавых: и раскайся Бог о зле, еже глаголаше сотворити им, и не сотвори. И опечалися Иона печалию великою, и смутися. И помолися ко Господу, и рече: о Господи, не сия ли убо словеса моя, еже глаголах, еще сущу ми на земли моей? Сего ради предварих бежати в Фарсис, зане разумех, яко милостив Ты еси и щедр, долготерпелив и многомилостив, и кайся о злобах (человеческих). И ныне, Владыко Господи, приими душу мою от мене, яко уне ми умрети, нежели жити. И рече Господь ко Ионе: аще зело опечалился еси ты? И изыде Иона из града, и седе прямо града, и

сотвори себе кушу, и сядяше под нею в сени, дондеже увидит, что будет граду. И повеле Господь Бог тыкве, и возрасте над главою Иониною, да будет сень над главою его, еже осенити его от злых его, и возрадовася Иона о тыкве радостью великою. И повеле Господь Бог червию раннему во утро, и подъяде тыкву, и изсше. И бысть вкупе внегда возсияти солнцу, и повеле Бог ветру знойному жегущу, и порази солнце на главу Ионину: и малодушествоваше, и отрицашеся души своея, и рече: уне ми умрети, нежели жити. И рече Господь Бог ко Ионе: зело ли опечалился еси ты о тыкве? И рече (Иона): зело опечалихся аз даже до смерти. И рече Господь: ты оскорбился еси о тыкве, о нейже не трудился еси, ни воскормил еси ея, яже родися обнощ и обнощ погибе. Аз же не пощажу ли Ниневии града великаго, в немже живут множайшии, неже дванадесять тем человек, яже не познаша десницы своея, ниже шуйцы своея и скоти их мнози?

Диакон: Премудрость.

Чтец: Иисуса Навина чтение ([Нав.5:10–15](#)).

Диакон: Вонмем.

Чтец: Ополчишася сынове Израилевы в Галгалех, и сотвориша Пасху в четвертынадесять день месяца от вечера на западе на поли Иерихонском. И ядоша от пшеницы земли оная опресноки и новая. В той день преста манна, повнегда ядоша от пшеницы земли, и ктому не бысть сыном Израилевым манны, но ядоша от плодов земли Финическия в лето оное. И бысть егда быше Иисус у Иерихона, и возрев очима своими, виде человека стояща пред ним, и мечь его обнажен в руке его. И приступив Иисус, рече ему: наш ли еси, или от супостат наших? Он же рече ему: аз Архистратиг силы Господни, ныне приидох (семо). И Иисус паде лицом своим на землю, и поклонися ему, и рече: господи, что повелеваеши рабу твоему? И рече Архистратиг Господень ко Иисусу: изуй сапог с ногу твоею, место бо, на немже ты стоиши, свято есть: и сотвори Иисус тако.

Диакон: Премудрость.

Чтец: Исхода чтение ([Исх.13:20–22, 14:1–32, 15:1–19](#)).

Диакон: Вонмем.

Чтец: Воздвигшася сынове Израилевы от Сокхофа, ополчишася во Офоме при пустыни. Бог же вождаше их, в день убо столпом облачным, показати им путь, нощию же столпом огненным светити им. И не оскуде столп облачный во дни, и столп огненный нощию, пред всеми людьми. И рече Господь к Моисею, глаголя: рцы сыном Израилевым и обратившася да ополчатся прямо придворию, между Магдолом и между морем, прямо Веельсепфону: пред ними ополчишися при мори. И речет фараон людем своим о сынех Израилевых: заблуждают сии по земли, затвори бо их пустыня. Аз же ожесточу сердце фараоново, и

поженёт создай их: и прославлюсь в фараоне, и во всем воинстве его, и уразумеют вси египтяне, яко Аз есмь Господь: и сотвориша тако. И возвещено бысть царю Египетскому, яко бежаша людие. И превратися сердце фараоново, и рабов его на люди, и рекоша: что сие сотворихом, отпустивше сыны Израилевы, да не работают нам? Впряже убо фараон колесницы своя, и вся люди своя собра с собою. И поят шесть сот колесниц избранных, и вся кони Египетския, и тристаы над всеми. И ожесточи Господь сердце фараона царя Египетскаго, и рабов его, и погна создай сынов Израилевых: сынове же Израилевы исхождаху рукою высокою. И погнаша египтяне в след их, и обретоша их ополчившихся при мори: и вся кони и колесницы фараоновы и конницы, и воинство его прямо придворию, противу Веельсепфона. И фараон приближашеся: возревше же сынове Израилевы очима, видеша: и се египтяне ополчаша в след их, и убояшася зело, и возопиша сынове Израилевы ко Господу. И рекоша к Моисею: за еже не быти гробом во Египте, извел еси нас умервити в пустыни: что сие сотворил еси нам, извед нас из Египта? Не сей ли быше глагол, егоже рекохом к тебе во Египте, глаголюще: остави нас, да работаем египтяном? Лучше бо быше нам работати египтяном, нежели умерети в пустыни сей. Рече же Моисей к людем: дерзайте, стойте, и зрите спасение еже от Господа, еже сотворит нам днесь. Имже бо образом видесте египтян днесь, не приложите ктому видети их в вечное время. Господь поборет по вас, вы же умолкните. И рече Господь к Моисею: что вопиеша ко Мне? Рцы сыном Израилевым, и да путешествуют. Ты же возми жезл твой, и простри руку твою на море, и расторгни е, и да внидут сынове Израилевы посреде моря по суху. И се Аз ожесточу сердце фараоново, и всех египтян, и внидут в след их, и прославлюсь в фараоне, и во всем воинстве его, и в колесницах и в конех его. И уведят вси египтяне, яко Аз есмь Господь, егда прославлюсь в фараоне, и в колесницах, и в конех его. Взятся же Ангел Божий ходяй пред полком сынов Израилевых, и поиде создай их: взятся же и столп облачный от лица их, и ста создай их. И вниде посреде полка Египетска, и посреде полка сынов Израилевых, и ста: и бысть тьма и мрак, и прииде ночь, и не смесишася друг с другом во всю ночь. Простре же Моисей руку на море: и возгна Господь море ветром южным сильным всю ночь, и сотвори море сушу, и разступися вода. И внидоша сынове Израилевы посреде моря по суху: и вода им стена бысть одесную, и стена ошуюю. Погнаша же египтяне, и внидоша в след их, и всяк конь фараонов, и колесницы, и всадники посреде моря. Бысть же в стражу утреннюю, и возре Господь на полк Египетский в столпе огненном и облачном, и смяте полк Египетский. И связа оси колесниц их, и ведите их с нуждею. И рекоша египтяне: бежим от лица Израилева, Господь бо побораёт по

них на египтяны. И рече Господь к Моисею: простри руку твою на море, и да совокупится вода, и да покрывает египтяны, колесницы же и всадники. Простре же Моисей руку на море, и устройся вода ко дню на место: египтяне же бежаша под водою: и истрясё Господь египтяны посреде моря. И обратившись вода, покры колесницы и всадники, и всю силу фараонову, вшедши в след их в море, и не оста от них ни един. Сынове же Израилевы пройдоша по суху посреде моря: вода же им стена (бысть) одесную и стена ошуюю. И избави Господь Израиля в день он из руки Египетский: и видеша сынове Израилевы египтян измерших при край моря. Виде же Израиль руку великую, яже сотвори Господь египтяном: и убояшася людие Господа, и вероваша Богу, и Моисею угоднику Его. Тогда воспе Моисей, и сынове Израилевы песнь сию Господеву, и рекоша глаголюще:

Чтец глаголет: Поим Господеву:

Лик, во глас 5: Славно бо прославися.

Отверзаются царския врата.

Чтец к коемуждо лику предглаголет стихи, и поют на оба лика: Славно бо прославися.

Чтец, стих: Коня и всадника вверже в море. Поим Господеву:

Лик: Славно бо прославися.

Чтец, стих: Помощник и Покровитель бысть мне во спасение. Поим Господеву:

Лик: Славно бо прославися.

Чтец, стих: Сей мой Бог, и прославлю Его, Бог отца моего, и вознесу Его. Поим Господеву:

Лик: Славно бо прославися.

Чтец, стих: Господь сокрушай брани, Господь имя Ему. Колесницы фараоновы, и силу его вверже в море. Поим Господеву:

Лик: Славно бо прославися.

Чтец, стих: Избранныя всадники тристаты потопа в Чермнем мори. Поим Господеву:

Лик: Славно бо прославися.

Чтец, стих: Пучиною покры их, погрязоша во глубине яко камень. Поим Господеву:

Лик: Славно бо прославися.

Чтец, стих: Десница Твоя, Господи, прославися в крепости. Поим Господеву:

Лик: Славно бо прославися.

Чтец, стих: Десная Твоя рука, Господи, сокруши враги, и множеством славы Твоея стерла еси сопротивных. Поим Господеву:

Лик: Славно бо прославися.

Чтец, стих: Послал еси гнев Твой, пояде я яко стеблие, и духом ярости Твоея разступися вода. Поим Господеви:

Лик: Славно бо прославися.

Чтец, стих: Огустеша яко стена воды, огустеша и волны посреде моря. Поим Господеви:

Лик: Славно бо прославися.

Чтец, стих: Рече враг: гнав постигну, разделю корысть, исполню душу мою, убью мечем моим, господствовать будет рука моя. Поим Господеви:

Лик: Славно бо прославися.

Чтец, стих: Послал еси Духа Твоего, покры я море: погрязоша яко олово в воде зельней. Поим Господеви:

Лик: Славно бо прославися.

Чтец, стих: Кто подобен Тебе в бозех, Господи? Кто подобен Тебе? Прославлен во святых, дивен в славе твояй чудеса. Поим Господеви:

Лик: Славно бо прославися.

Чтец, стих: Простерл еси десницу Свою, пожре я земля. Наставил еси правдою Твоею люди Твоя сия, яже избавил еси. Поим Господеви:

Лик: Славно бо прославися.

Чтец, стих: Утешил еси крепостию Твоею во обитель святую Твою. Слышаша языцы, и прогневаша, болезни прияша живущий в Филистиме. Поим Господеви:

Лик: Славно бо прославися.

Чтец, стих: Тогда потщашася владыки Едомстии, и князи Моавитстии, прият я трепет: растаяша вси живущии в Ханаане. Поим Господеви:

Лик: Славно бо прославися.

Чтец, стих: Да нападет на ня страх и трепет, величием мыщцы Твоея да окаменятся. Поим Господеви:

Лик: Славно бо прославися.

Чтец, стих: Дондеже пройдут людие Твои, Господи, дондеже пройдут людие Твои сии, яже стяжал еси. Поим Господеви:

Лик: Славно бо прославися.

Чтец, стих: Введ насади я в гору достояния Твоего, в готовое жилище Твое, еже соделал еси, Господи, святыню, Господи, юже уготовасте рuce Твои. Поим Господеви:

Лик: Славно бо прославися.

Чтец, стих: Господь царствуй веки, и на век, и еще. Егда вниде конница фараонова с колесницами и всадники в море: и наведе на них Господь воду морскую. Поим Господеви:

Лик: Славно бо прославися.

Чтец, стих: Сынове же Израилевы проидоша сушею посреде моря. Поим Господеви:

Лик: Славно бо прославися.

Чтец, стих: Слава Отцу и Сыну и Святому Духу. Поим Господеви:

Лик: Славно бо прославися.

Чтец, стих: И ныне и присно и во веки веков. Аминь. Поим Господеви:

Лик: Славно бо прославися.

И последи чтец поет тойжде, един: Славно бо прославися.

Диакон: Премудрость.

Чтец: Пророчества Софониева чтение ([Соф.3:8–15](#)).

Диакон: Вонмем.

Царския врата закрываются.

Чтец: Тако глаголет Господь: потерпи Мене в день воскресения Моего, во свидетельство: зане суд Мой в сонмища языков еже прияти царей, еже излияти на ня гнев Мой, весь гнев ярости Моей: зане огнем рвения Моего поядена будет вся земля, яко тогда обращу к людем язык в род его, еже призыватьи всем имя Господне, работати Ему под игом едином. От конец рек Ефиопских прииму молящия Мя, в рассеянных Моих принесут жертвы Мне. В день он не имаша постыдиться от всех начинаний твоих, имиже нечествовал еси в Мя: яко тогда отыму от Тебе укоризны досаждения твоего, и ктому не имаша приложити величаться на горе святей Моей. И оставлю в тебе люди кротки и смиренны, и будут благоговети о имени Господни. Останцы Израилевы, и не сотворят неправды, и не возглаголют суетных, и не обрящется во устех их язык льстив. Зане тии пожируют и угнездятся, и не будет устрашай их. Радуйся дщи Сионова зело, проповедай дщи Иерусалимова, веселися и преукрашайся от всего сердца твоего, дщи Иерусалимля. Отъят Господь неправды твоя, избавил тя есть из руки враг твоих: воцарится Господь посреде тебе, и не узриши зла ктому.

Диакон: Премудрость.

Чтец: Царств третьих чтение ([3Цар.17:8–23](#)).

Диакон: Вонмем.

Чтец: Бысть глагол Господень ко Илий, глаголя: Востани, и иди в Сарепту Сидонскую, и пребуди тамо: се бо заповедах тамо жену вдовицу препитати тя. И воста, и Иде в Сарепту Сидонскую, и прииде ко вратом града: и се тамо жена вдова собираше дрова. И возопи Илия в след ея, и рече ей: принеси ныне ми мало воды в сосуде, и испию. И Иде взяти, и возопи в след ея Илия, и рече ей: прими убо мне и укрух хлеба в руке своей, да ям. И рече жена: жив Господь Бог твой, аще есть у мене опреснок, но токмо горсть муки в водносе, и мало елея в чванце: и се аз соберу два полнца, и вниду, и сотворю е себе и детем моим, и снемы е, и умрем. И рече к ней Илия: дерзай, вниди, и сотвори по глаголу твоему: но сотвори ми оттуду опреснок мал прежде, и принеси ми: себе же и чадом своим да сотвориши послежде. Яко тако глаголет

Госпо́дь Бог Изра́илев: водоно́с муки́ не оскуде́ет, и чва́нец еле́я не ума́лится до дне, до́ндеже даст Госпо́дь дождь на зе́млю. И и́де жена́, и сотвори́ по глаго́лу Илиину́, и даде́ ему́, и яде́ той и та, и ча́да ея́. И от того́ дне водоно́с муки́ не оскуде́, и чва́нец еле́я не ума́лился, по глаго́лу Госпо́дню, его́же глаго́ла руко́ю Илиино́ю. И бысть по сих, и разболéся сын жены́ госпожи́ до́му, и бе бо́лезнь его́ крепка́ zeló, до́ндеже не оста́ся в нем дух его́. И рече́ ко Или́и: что мне и тебе́, челове́че Бо́жий? вшел еси́ ко мне воспомина́нути неправды́ моя́, и умори́ти сы́на моего́? И рече́ Или́я к женé: даждь ми сы́на твоего́: и взят его́ от не́дра ея́, и вознесе́ его́ в го́рницу, иде́же сам почи́ваше, и положи́ его́ на одре́ своём. И возопи́ Или́я ко Го́споду и рече́: увы́ мне, Го́споди, Свидéтелю вдовы́, у нея́же аз ны́не пребыва́ю, Ты озло́бил еси́, е́же умори́ти сы́на ея́. И ду́ну на о́трочища три́жды, и призва́ Го́спода, и рече́: Го́споди Бо́же мой, да возврати́тся убо душа́ о́трочища сего́ вонь, и бысть та́ко. И возопи́ о́трочищ, и сведé его́ с го́рницы в дом, и даде́ его́ ма́тери его́. И рече́ Или́я: виждь, жив есть сын твой. И рече́ жена́ ко Или́и: се уразуме́х, я́ко челове́к Бо́жий еси́ ты, и глаго́л Госпо́день во устéх твои́х и́стинен.

Диакон: Прему́дрость.

Чтец: Проро́чества Исаи́ина чтéние ([Ис.61:10–11, 62:1–5](#)).

Диакон: Во́ннем.

Чтец: Да возра́дуется душа́ моя́ о Го́споде: облече́ бо мя в ри́зу спасéния, и оде́ждою весéлия (оде́я мя): я́ко на жени́ха возложи́ на мя вене́ц, и я́ко невесту́ украси́ мя красо́тою. И я́ко земля́ растя́щая цвет свой, и я́ко вертоград се́мена своя́ прозяба́ет: та́ко возрасти́т Госпо́дь, Госпо́дь правду, и весéлие пред все́ми язы́ки. Си́она ра́ди не умолчу́, и Иерусали́ма ра́ди не попу́щу, до́ндеже изы́дет я́ко свет правда́ моя́, и спасéние мое́ я́ко свети́ло разжже́тся. И у́зрят язы́цы правду твою́, и ца́рие сла́ву твою́, и прозову́т тя и́менем но́вым, имже Госпо́дь наимену́ет е́. И бу́деши вене́ц добро́ты в руце́ Госпо́дни, и диади́ма ца́рствия в руце́ Бо́га твоего́. И не прозове́шися ктому́ оста́влен, и земля́ твоя́ ктому́ не нарече́тся пуста́: тебе́ бо прозове́тся во́ля Моя́, и земля́ твоя́ вселéнная: я́ко благоволи́ Госпо́дь в тебе́, и земля́ твоя́ вку́пе населит́ся. И я́коже живя́й юноша́ с де́вою, та́ко поживу́т сы́нове твои́ с тобо́ю: и бу́дет я́коже ра́дуется жени́х о невесте́, та́ко возра́дуется Госпо́дь о тебе́.

Диакон: Прему́дрость.

Чтец: Бы́тия чтéние ([Быт.22:1–18](#)).

Диакон: Во́ннем.

Чтец: Бы́сть по глаго́лех сих, Бог искуша́ше Авраа́ма, и рече́ ему́: Авраа́ме, Авраа́ме. И рече́: се аз. И рече́: пойми́ сы́на твоего́ возлюбленнаго, его́же возлюбил еси́ Исаа́ка, и иди́ на зе́млю высо́ку, и

вознеси́ его та́мо во всесожже́ние, на еди́ну от гор, ихже ти реку́. Воста́в же Авраа́м у́тро, оседла́ осля́ свое́. Поя́т же с собо́ю два о́трочища, и Исаа́ка сы́на своего́, и растни́в дрова́ во всесожже́ние, воста́в Иде и прии́де на ме́сто, е́же рече́ ему́ Бог, в тре́тий день. И воззре́в Авраа́м очима́ свои́ма, ви́де ме́сто изда́лече. И рече́ Авраа́м отроко́м своим: сядите́ zde со осля́тем, а́з же и де́тищ по́йдем до о́нде, и поклони́вшися возврати́мся к вам. Взя же Авраа́м дрова́ всесожже́ния и возложи́ на Исаа́ка сы́на своего́: взя же в ру́ки и огонь, и нож, и идо́ста оба́ вку́пе. Рече́ же Исаа́к ко Авраа́му отцу́ своему́: о́тче. Он же рече́: что е́сть ча́до? Рече́ же: се огонь и дрова́, где е́сть овча́ е́же во всесожже́ние? Рече́ же Авраа́м: Бог у́зрит Себе́ овча́ во всесожже́ние, ча́до. Шедше́ же оба́ вку́пе, приидо́ста на ме́сто, е́же рече́ ему́ Бог: и созда́ та́мо Авраа́м же́ртвенник, и возложи́ дрова́: и связа́в Исаа́ка сы́на своего́, возложи́ его́ на же́ртвенник верху́ дров. И простре́ Авраа́м ру́ку свою́ взяти́ нож, закла́ти сы́на своего́. И воззва́ и́ Ангел Госпо́день с небесе́, и рече́: Авраа́ме, Авраа́ме. Он же рече́: се аз. И рече́: да не возложи́ши ру́ки твоей на о́трочища, ниже́ да сотвори́ши ему́ что: ны́не бо позна́х, я́ко бои́шися ты́ Бо́га, и не пощаде́л еси́ сы́на твоего́ возлю́бленнаго Мене́ ра́ди. И воззре́в Авраа́м очима́ свои́ма ви́де, и се овён еди́н держи́мый рога́ма в са́де саве́к. И Иде Авраа́м, и взя овна́, и вознесе́ его́ во всесожже́ние вме́сто Исаа́ка сы́на своего́. И нарече́ Авраа́м и́мя ме́сту тому́: Госпо́дь ви́де. Да реку́т днесь: на горе́ Госпо́дь яви́ся. И воззва́ Ангел Госпо́день Авраа́ма вторицею́ с небесе́, глаго́ля: Мно́ю Само́м кля́хся, глаго́лет Госпо́дь, Его́же ра́ди сотвори́л еси́ глаго́л сей, и не пощаде́л еси́ сы́на твоего́ возлю́бленнаго Мене́ ра́ди. Вои́стинну́ благослови́ благословлю́ тя, и умножа́я умно́жу се́мя твое́, я́ко зве́зды небе́сный, и я́ко песокъ вскра́й мо́ря: и насле́дит се́мя твое́ гра́ды супоста́тов. И благослови́тся о се́мени твоёмъ вси́ язы́цы земни́и, зане́же послу́шал еси́ гла́са Моего́.

Диакон: Прему́дрость.

Чтец: Проро́чества Исаи́ина чтéние ([Ис.61:1-9](#)).

Диакон: Во́ннем.

Чтец: Ду́х Госпо́день на мне, его́же ра́ди пома́за мя, благовести́ти ни́щим, посла́ мя, исцели́ти сокруше́нныя се́рдцем, пропове́дати плéнником отпу́щение, и слепы́м прозрэ́ние. Нарещи́ ле́то Госпо́дне приятно́ и день воздая́ния, утёшити́ вся пла́чущия. Да́ти пла́чущим Сио́на сла́ву; вме́сто пе́пела пома́зание; весе́лие пла́чущим; украше́ние сла́вы вме́сто ду́ха уны́ния; и нареку́тся ро́дове пра́вды насажде́ние Госпо́дне в сла́ву. И сози́ждут пусты́ни ве́чный, запустевши́я пре́жде воздвигнут, и обновя́т гра́ды пусты́я, опустошенны́и в ро́ды. И прии́дут иноро́днии, пасу́щие о́вцы твоя́, и инопле́мённицы ора́тели, и виногра́дари ва́ши. Вы же свяще́нницы Госпо́дни наречётесь,

служителие Бѣга ва́шего. Рече́тся вам: крѣпость языкъ снѣсте и в богатствѣ ихъ чюдни бѣдете. Сице зѣмлю свою́ вторицею наслѣдят, и весѣлие вѣчное над главою ихъ. Азъ бо есмь Господь, любяй правду и ненави́дяй граблѣния от неправды: и дамъ трудъ ихъ праведникомъ, и заветъ вѣчен завещаю имъ. И позна́ется во языцехъ сѣмя ихъ, и внуцы ихъ посреди́ людей: всякъ видяй я́, позна́етъ я́, яко сии суть сѣмя благословѣнное от Бѣга, и радостию возра́дуются о Господѣ.

Диакон: Премудрость.

Чтец: Царствъ четвертыхъ чтѣние ([4Цар.4:8-37](#)).

Диакон: Вѣнчѣемъ.

Чтец: Бысть во единъ день, и прѣйде Елиссѣй в Соманъ, и ту жена́ велія, и удержа́ его́ снѣсти хлѣба, и бысть ему́ входитьи, и исходитьи мно́жицею, и уклоня́шеся та́мо я́сти хлѣба. И рече́ жена́ к мужу своему́: се ны́не разумѣхъ, яко человекъ Бѣжий святъ сей мимо́ ходитъ насъ при́сно. Сотворимъ у́бо ему́ горницу, мѣсто ма́ло, и поставимъ ему́ та́мо одръ, и трапѣзу, и престолъ, и свѣщникъ: и бѣдетъ внигда́ входитьи ему́ к намъ, и уклоня́ется та́мо. И бысть во единъ день, и вниде́ та́мо, и уклонися́ в горницу, и спа́ та́мо. И рече́ ко Гиези́ю о́трочищу своему́: призови́ ми сомани́тяныню сию́. И призва́ю, и ста́ предъ нимъ. И рече́ ему́: рцы́ у́бо ей, се удиви́ла еси́ насъ всемъ попечѣниемъ симъ, что подоба́етъ сотворити́ тебе́? Аще́ есть тебе́ слово́ к царю́, или́ ко князю́ си́лы? Она́ же рече́: (несть) посреде́ людей моихъ азъ есмь живу́щи. И рече́ ко Гиези́ю: что подоба́етъ сотворити́ ей? И рече́ Гиези́й о́трочищъ его́: воистинну́ сы́на несть у нея́, и мужъ ея́ старъ. И рече́: призови́ю. И призва́ю, и ста́ при двѣрехъ. И рече́ Елиссѣй к ней: во вре́мя сие́, якоже часъ сей, живу́щи ты зачне́ши сы́на. Она́ же рече́: ни, господи́не, не солжи́ рабе́ твоѣй. И зачатъ во чре́ве жена́, и роди́ сы́на во вре́мя сие́, якоже часъ сей живу́щи, якоже глаго́ла к ней Елиссѣй. И возмужа́ о́трочищъ и бѣсть, егда́ изы́де ко отцу́ своему́, к жну́щим, и рече́ ко отцу́ своему́: глава́ моя́, глава́ моя́ (болитъ). И рече́ ко о́троку: неси́ его́ к ма́тери его́. И несе́ его́ к ма́тери его́, и лежа́ше на колѣну ея́ до полудни, и у́мре. И вознесе́ его́, и положи́ его́ на одре́ человека́ Бѣжия: и затвори́ его́, и изы́де, и призва́ мужа́ своего́, и рече́ ему́: послѣ́ ми у́бо еди́наго от о́трокъ, и еди́но от осли́ятъ, и теку́ до человека́ Бѣжия, и возвращу́ся. И рече́: что яко́ ты идеши́ к нему́ днесъ? Не новъ мѣсяцъ, ниже́ суббота́. Она́ же рече́: миръ. И оседла́ осли́я, и рече́ ко о́трочищу своему́: веди́, и иди́, да не удержи́ши мене́, е́же всѣсти, якоже реку́ тебе́. Гряди́, и иди́, и прииди́ к человеку́ Бѣжию на го́ру Карми́льскую. И иде́, и прииде́ до человека́ Бѣжия в го́ру Карми́льскую. И бысть яко́ ви́де ю́ Елиссѣй гряду́щую, и рече́ к Гиези́ю о́трочищу своему́: се у́бо сомани́тяныня о́ная. Ны́не тецы́ в срѣтѣние ея́ и рече́ши ей: миръ ли тебе́? И те́че во срѣтѣние ей и рече́ ей: миръ ли тебе́? Миръ ли мужу́ твоему́? Миръ ли о́трочищу твоему́? она́ же рече́: миръ. И прииде́ к Елиссѣю на

гору, и ятса за нозе его: и приближися Гиезий отринути ю. И рече Елиссей: остави ю, яко душа ея болезненна в ней, и Господь укрыв от мене, и не возвести мене. Она же рече: еда просих сына у господина моего? яко рекох: не прельсти мене? И рече Елиссей ко Гиезю: препояши чресла твоя, и возми жезл мой в руке твои и иди, яко аще обрящещи мужа, да не благословиши его, и аще благословит тя муж, не отвещай ему: и возложи жезл мой на лице отрочища. И рече матери отрочища: жив Господь, и жива душа твоя, аще оставлю тебе. И поста Елиссей, и Иде в след ея. И Гиезий Иде пред нею, и возложи жезл на лице отрочища, и не бе гласа, и не бе слышания. И возвратися в сретение его, и повода ему, глаголя: не воста отрочищ. И вниде Елиссей в храмину, и се отрочищ умерый положен на одре его. И вниде Елиссей в дом, и затвори дверь за двою собою, и помолися Господу. И взыде, и ляже на отрочищи, и положи уста свой на устех его, и очи свой на очи его, и руке свой на руке его, и плесне свой на плесну его: и слячеса над ним, и дуну на него, и согрется плоть отрочища. И обратися, и походи в храмине сюду и сюду: и взыде, и слячеса над отрочищем седмижды, и отверзе отрочищ очи свой. И возопи Елиссей ко Гиезю, и рече: призови ми соманитяныню сию. И призва ю, и вниде к нему, и рече Елиссей: прими сына твоего. И вниде жена, и паде на ногу его, и поклонися ему до земли: и прият сына своего, и изыде.

Диакон: Премудрость.

Чтец: Пророчества Исаиина чтение ([Ис.63:11–19, 64:1–5](#)).

Диакон: Воннем.

Чтец: Тако глаголет Господь: где Возведый от земли пастьеря овец Своих? где есть Вложивый в них Духа Святаго? Возведшая десницею Моисея мышца славы Его, раздели воду пред лицом его, сотворити Ему имя вечно. Проведё их сквозе бездну, якоже коня сквозе пустыню, и не утрудися. И яко скоты по полю, и сниде Дух от Господа и настави их: тако провёл еси люди Твоя, сотворити Тебе Самому имя славно. Обратися, Господи, от небеса, и виждь от дому святаго Твоего и славы Твоей: где есть ревность Твоя и крепость Твоя? Где есть множество милости Твоей, и щедрот Твоих, яко терпел еси нам? Ты бо еси Отец наш, понеже Авраам не уведё нас, и Израиль не позна нас: но Ты, Господи, Отец наш, избави ны; исперва имя Твое на нас есть. Что уклонил еси нас, Господи, от пути Твоего, и ожесточил еси сердца наша, еже не бояться Тебе? Обратися ради раб Твоих, ради племен достояния Твоего. Да (поне) мало наследим горы святыя Твоей. Противницы наши попраша святыню Твою. Быхом яко исперва, егда не владел еси нами, ниже бе нареченное имя Твое на нас. Аще отверзещи небо, трепет примут от Тебе горы, и растают, яко тает воск от лица огня и попалят огонь супостаты, и явлено будет имя Твое в сопротивных Твоих: от лица

Твоего́ язы́цы возмѣтѹтся, егда́ сотвориши сла́вная, трѣпет прии́мут от Тебе́ горы. От ве́ка не слы́шах, ниже́ о́чи на́ши видѣша бо́га, развѣ Тебе́, и дела́ Твоя́, я́же сотвориши ждѹщим ми́лости. Ми́лость бо сря́щет творя́щих правду, и пути́ Твоя́ помя́нутся.

Диакон: Прему́дрость.

Чтец: Проро́чества Иереміина чтѣние ([Иер.31:31–34](#)).

Диакон: Во́ннем.

Чтец: Та́ко глаго́лет Господь: се днѣе грядѹт, и завещаю́ до́му Израїлеву, и до́му Иудину завет нов. Не по завету, егѣже завещахъ отце́м их, в день, во́нже е́мшу Ми за ру́ку их, извести́ я от земли́ Египетский, я́ко ти́и не пребы́ша в завете́ Моём, и Аз небрего́х их, глаго́лет Господь, я́ко сей завет, егѣже завещаю́ до́му Израїлеву, по днѣх о́нѣх, глаго́лет Господь: да́я зако́ны Моя́ в мы́сли их, и на сердца́х их напишу́ я, и бу́ду им в Бо́га, и ти́и бу́дут Ми в лю́ди. И не научи́т кийждо́ бли́жняго своего́ и кийждо́ брата́ своего́, глаго́ля: позна́й Го́спода, я́ко вси позна́ют Мя от ма́ла да́же и до вели́каго их: я́ко ми́лостив бу́ду неправда́м их, и грехо́в их не помяну́ кому́.

Диакон: Прему́дрость.

Чтец: Проро́чества Даниїлова чтѣние ([Дан.3:1–88](#)).

Диакон: Во́ннем.

Чтец: В ле́то осмонадеся́тое Навуходно́сор царь сотвори́ тѣло злато, высота́ егѣ лакте́й шестидесяти, и широта́ егѣ лакте́й шести́: и поста́ви е́ на по́ли ДеИре, во стране́ Вавилонстей. И посла́ (Навуходно́сор царь) собра́ти ипа́ты, и воево́ды, и местонача́льники, вожди́ же и мучи́тели, и су́щия на власте́х, и вся князи́ стран, приити́ на обновле́ние куми́ра, егѣже постави́ Навуходно́сор царь. И собра́шася местонача́льницы, ипа́ты, воево́ды, вожди́, мучи́тели вели́цыи, и́же над власте́ми, и вси нача́льницы стран, на обновле́ние тѣла, е́же поста́ви Навуходно́сор царь: и ста́ша пред тѣлом, е́же поста́ви Навуходно́сор царь. И проповѣ́дник вопия́ше с кре́постию: вам глаго́лется, наро́ди, лю́дие, племена́, язы́цы. Во́нже час а́ще услы́шите глас трубы́, свирѣли́ же и гу́сли, самви́ки же и псалти́ри, и согла́сия, и вся́каго ро́да мусики́йска, па́дающе покланя́йтесь тѣлу́ злато́му, е́же поста́ви Навуходно́сор царь. И и́же а́ще не пад покло́нится, в той час вве́ржен бу́дет в пещь огне́м горя́щую. И бысть егда́ услы́шаша лю́дие глас трубы́, свирѣли́ же и гу́сли, самви́ки же и псалти́ри, и согла́сия, и вся́каго ро́да мусики́йскаго, па́дающе вси лю́дие, племена́, язы́цы, покланя́хуся тѣлу́ злато́му, е́же поста́ви Навуходно́сор царь. Тогда́ приступи́ша му́жие халде́йстии, и оболга́ша иуде́ев, отвещав́ше рѣша Навуходно́сору цареві́: царю́, во ве́ки живи́. Ты царю́ положи́л еси́ повеле́ние, да всяк человек, и́же а́ще услы́шит глас трубы́, свирѣли́ же и гу́сли, самви́ки же и псалти́ри, и согла́сия и вся́каго ро́да мусики́йска, и не пад покло́нится

тѣлу златому, вверженъ будетъ в пещь огнемъ горящую. Суть убо мужи иудее, ихже поставил еси надъ дѣлы страны вавилонския, Седрахъ, Мисахъ и Авденаго, иже не послушаша заповѣди твоея царю, и богомъ твоимъ не служатъ, и тѣлу златому, еже поставил еси, не поклоняются. Тогда Навуходоносор в ярости и гнѣве рече привести Седраха, Мисаха и Авденаго: и приведѣни быша предъ царя. И отвѣща Навуходоносор, и рече им: аще воистинну, Седрахъ, Мисахъ и Авденаго, богомъ моимъ не служите, и тѣлу златому, еже поставихъ, не поклоняетесь. Ныне убо аще есте готови, да егда услышите глас трубы, свирѣли же и гусли, самвики же и псалтири, и согласия, и всякаго рода мусикийскаго, падше поклонитесь тѣлу златому, еже сотворихъ. Аще же не поклонитесь, в той час ввержени будете в пещь огнемъ горящую: и Кто есть Богъ, Иже изметъ вы из руки моей? И отвѣщаша Седрахъ, Мисахъ и Авденаго, глаголюще царю Навуходоносору: не трѣбе намъ о глаголе семъ отвѣщати тебѣ. Есть бо Богъ нашъ на небесѣхъ, Емуже мы служимъ, силен изъяти насъ отъ пещи огнемъ горящия, и отъ руку твою избавити насъ царю. Аще ли ни, ведомо да будетъ тебѣ, царю, яко богомъ твоимъ не служимъ, и тѣлу златому, еже поставил еси, не кланяемся. Тогда Навуходоносор исполнися ярости, и зракъ лица его изменися на Седраха, Мисаха и Авденаго, и рече: разжгите пещь седмерицею, дондеже до конца разгорится. И мужемъ сильнымъ крѣпостию рече: оковавше Седраха, Мисаха и Авденаго, вверзите в пещь огнемъ горящую. Тогда мужие онии оковани быша с гащами своими, и покрывалы, и сапогми, и со одеждами своими, и ввержени быша посреде пещи огнемъ горящия. Понеже глаголъ царевъ превозможе, и пещь разжжена бысть преизлишше: и мужей оныхъ, иже ввергоша Седраха, Мисаха и Авденаго, уби пламень огненный. И мужие тии трие, Седрахъ, Мисахъ и Авденаго, падоша посреде пещи огнемъ горящия оковани. И хождяху посреде пламене поюще Бога, и благословяще Господа. И ставъ с ними Азариа помолися сице, и отвѣръзъ уста своя посреде огня, рече: Благословенъ еси, Господи, Боже отецъ нашихъ, хвалю и прославлено имя Твое во веки, яко праведенъ еси о всехъ яже сотворилъ еси намъ и вся дела Твоя истинна, и прави путие Твои, и вси суди Твои истинни. И судьбы истинны сотворилъ еси по всемъ, яже навелъ еси на ны, и на градъ святый отецъ нашихъ, Иерусалимъ: яко истиною и судомъ навелъ еси сия на ны грехъ ради нашихъ, яко согрешихомъ и беззаконновахомъ отступивше отъ Тебѣ, и прегрешихомъ во всехъ. И заповѣдей Твоихъ не послушахомъ, ниже соблюдохомъ, ниже сотворихомъ, якоже заповѣдалъ еси намъ, да благо намъ будетъ. И вся, елика сотворилъ еси намъ, и вся, елика навелъ еси на ны, истиннымъ судомъ сотворилъ еси. И предадъ еси насъ в руки враговъ беззаконныхъ, мерзкихъ отступниковъ: и царю неправедну, и лукавнейшу паче всея земли. И ныне несть намъ отвѣрсти устъ, студъ и поношение быхомъ рабомъ твоимъ, и чтущимъ Тя. Не предаждь

у́бо нас до конца́ и́мене Твоего́ ра́ди, и не разори́ завета́ Твоего́, и не отста́ви ми́лости Твоей от нас, Авраа́ма ра́ди возлюбленнаго от Тебе́, и за Исаа́ка раба́ Твоего́, и Израи́ля свята́го Твоего́, и́мже глаго́лал еси́ умно́жити се́мя их, я́ко зве́зды небе́сный, и я́ко песо́к вскрай мо́ря, я́ко Влады́ко, ума́лихомся па́че всех язы́к, и есмы́ смире́ни по всей земли́ днесь **грех** ра́ди на́ших. И несть во вре́мя сие́ кня́зя, и проро́ка, и вождя́: ниже́ всесо́жжэ́ния, ниже́ же́ртвы, ниже́ приноше́ния, ниже́ кади́ла, ни ме́ста, е́же пожре́ти пред Тобо́ю и обрести́ ми́лость. Но душе́ю сокруше́нною, и ду́хом смире́нным, да прия́ты бу́дем, я́ко во всесо́жжэ́нии о́вних и юнчих, и я́ко во тма́х а́гнец ту́чных: та́ко да бу́дет же́ртва на́ша пред Тобо́ю днесь, и да соверши́тся по Тебе́, я́ко несть студа́ упова́ющим на Тя. И ны́не возсле́дуем всем се́рдцем, и бои́мся Тебе́, и и́щем лица́ Твоего́. Не посрами́ нас, но сотвори́ с на́ми по кро́тости Твое́й, и по мно́жеству ми́лости Твоея́. И изми́ нас по чудесе́м Твои́м, и даждь сла́ву и́мени Твоему́, Го́споди. И да посра́мятся вси явля́ющий рабо́м Твои́м зла́я, и да посты́дятся от вся́кия си́лы, и кре́пость их да сокруши́тся. И да разуме́ют, я́ко Ты еси́ Госпо́дь Бог еди́н, и сла́вен по всей вселе́нней. И не преста́ша, вве́ргшии их, слуги́ царевы́ жгу́ще печь иа́ффою и смоло́ю, и изгре́бми и хвра́стием. И разлива́шеся пла́мень над пе́щию на ла́кти четы́редесять де́вять. И обы́де и пожже́, ихже обре́те о́крест пе́щи халде́йския. А́нгел же Госпо́день сни́де купно́ с су́щими со Аза́риею в печь. И оттрясе́ пла́мень о́гненный от пе́щи, и сотвори́ сре́днее пе́щи я́ко дух росы́ шумя́щ и не прикосну́ся их отнюд о́гнь, и не оскорби́, ниже́ стужи́ им. Тогда́ ти́и три́е я́ко еди́ными усты́ пояху, и благословля́ху, и сла́вляху Бо́га в пе́щи, глаго́люще: Благослове́н еси́ Го́споди Бо́же оте́ц на́ших, и препе́тый и превозноси́мый во ве́ки. И благослове́но и́мя сла́вы Твоея́ свята́е, и препе́тое и превозноси́мое во ве́ки. Благослове́н еси́ в хра́ме свята́я сла́вы Твоея́, и препе́тый и превозноси́мый во ве́ки. Благослове́н еси́ ви́дйя бе́здны, се́дяй на Херуви́мех, и препе́тый и превозноси́мый во ве́ки. Благослове́н еси́ на престо́ле сла́вы Ца́рствия Твоего́, и препе́тый и превозноси́мый во ве́ки. Благослове́н еси́ на тве́рди небе́сней, и препе́тый, и превозноси́мый во ве́ки.

Чтец: Го́спода по́йте и превозноси́те во вся ве́ки.

Зде же встают и поют на оба лика.

Лик: Го́спода по́йте и превозноси́те во вся ве́ки.

Чтец же глаголет стихи порядку:

Благослови́те вся дела́ Госпо́дня,

Лик: Го́спода по́йте и превозноси́те Его́ во ве́ки. Благослови́те Ангели Госпо́дни,

Лик: Го́спода по́йте и превозноси́те Его́ во ве́ки. Благослови́те небеса́,

Лик: Гóспода пойте и превозносите Егó во вéки. Благословіте воды вся,
яже превыше небéс, **Лик:** Гóспода пойте и превозносите Егó во вéки.
Благословіте вся силы Господни, **Лик:** Гóспода пойте и превозносите
Егó во вéки. Благословіте солнце и луна,
Лик: Гóспода пойте и превозносите Егó во вéки.
Благословіте звéзды небéсных,
Лик: Гóспода пойте и превозносите Егó во вéки.
Благословіте всяк дождь и роса,
Лик: Гóспода пойте и превозносите Егó во вéки.
Благословіте вси дýси,
Лик: Гóспода пойте и превозносите Егó во вéки.
Благословіте огонь и вар,
Лик: Гóспода пойте и превозносите Егó во вéки.
Благословіте студь и зной,
Лик: Гóспода пойте и превозносите Егó во вéки.
Благословіте росы и иней,
Лик: Гóспода, пойте и превозносите Егó во вéки.
Благословіте но́щи и днiе,
Лик: Гóспода пойте и превозносите Егó во вéки.
Благословіте свет и тьма,
Лик: Гóспода пойте и превозносите Егó во вéки.
Благословіте лед и мраз,
Лик: Гóспода пойте и превозносите Егó во вéки.
Благословіте слáны и снéзи,
Лик: Гóспода пойте и превозносите Егó во вéки.
Благословіте мóлния и о́блацы,
Лик: Гóспода пойте и превозносите Егó во вéки.
Да благословіт земля
Лик: Гóспода да поет и превозно́сит Егó во вéки.
Благословіте гóры и хóлми,
Лик: Гóспода пойте и превозносите Егó во вéки.
Благословіте вся прозябающая на земли,
Лик: Гóспода пойте и превозносите Егó во вéки.
Благословіте исто́чницы.
Лик: Гóспода пойте и превозносите Егó во вéки.
Благословіте моря́ и рéки,
Лик: Гóспода пойте и превозносите Егó во вéки.
Благословіте кiти и вся двiжущаяся в водах,
Лик: Гóспода пойте и превозносите Егó во вéки.
Благословіте вся пти́цы небéсных,
Лик: Гóспода пойте и превозносите Егó во вéки.
Благословіте звéрие и вси скóти,

Лик: Гóспода пойте и превозносите Его́ во ве́ки.
Благословіте сы́нове челове́чести,
Лик: Гóспода пойте и превозносите Его́ во ве́ки.
Да благословіт Израїль
Лик: Гóспода пойте и превозносите Его́ во ве́ки.
Благословіте иере́и Госпо́дни,
Лик: Гóспода пойте и превозносите Его́ во ве́ки.
Благословіте раби́ Госпо́дни,
Лик: Гóспода пойте и превозносите Его́ во ве́ки.
Благословіте ду́си и ду́ши пра́ведных,
Лик: Гóспода пойте и превозносите Его́ во ве́ки.
Благословіте преподо́бнии и смире́ннии се́рдцем,
Лик: Гóспода пойте и превозносите Его́ во ве́ки.
Благословіте Ана́ния, Аза́рия и Мисаїл,
Лик: Гóспода пойте и превозносите Его́ во ве́ки.
Благословіте апо́столи, проро́цы и му́ченицы Госпо́дни,
Лик: Гóспода пойте и превозносите Его́ во ве́ки.
Благословім Отца́ и Сы́на и Свята́го Ду́ха.
Лик: Гóспода поём и превозно́сим Его́ во ве́ки.
И ны́не и при́сно и во ве́ки веко́в. Ами́нь.
Лик: Гóспода пойте и превозносите Его́ во ве́ки.
Чтец: Хва́лим, благословім, покланя́емся Гóсподеви.
Пою́ще и превознося́ще во вся́ ве́ки.